





第一三九八册

四庫全書

● 上海古籍出版社

本冊目次

西 晉
文 文
紀 紀

明 梅鼎祚編……………一
明 梅鼎祚編……………四七一

欽定四庫全書

集部
西晉文紀卷二

詳校官庶吉士臣初喬齡

主事銜臣徐以坤覆勘

覆校官博士臣劉光第

校對官中書臣范鰲

謄錄監生臣戴朝琛

欽定四庫全書

集部八

西晉文紀

總集類

提要

臣等謹案西晉文紀二十卷明梅鼎祚編西晉相傳四葉為日無多何晏王弼之徒以莊老清言轉相倡導浸淫不返遂至於南渡偏安然觀鼎祚所編一代之文則討論典故崇勵風俗者猶居其半蓋東漢以來老師宿儒之遺訓越三國而猶有存焉非鼎祚衷而輯之不知建武以還猶能立國為禮教未殄之故也其中多採詩賦之序以足篇帙特較他代為繁殊嫌割裂又司馬懿以及師昭雖晉書本紀三祖並登而揆以史法終乖限斷鼎祚既通編八代之文自宜附之魏末使名號不舛時代靡差乃因仍晉書之失存其帝號以冠篇是亦失於糾正者矣乾隆四十二年

欽定四庫全書

西晉文紀
提要

九月恭校上

總纂官_臣紀昀_臣陸錫熊_臣孫士毅

總校官_臣陸費瑤

欽定四庫全書

西晉文紀
提要

欽定四庫全書

西晉文紀卷十

明 梅鼎祚 編

西晉

高祖宣皇帝

姓司馬諱懿字仲達河內溫人魏武帝

歷東三朝以尚書右僕射封舞陽侯補齊王為太傅柯劭之平郡公孫資魏追尊宣皇帝廟號高祖

諭孟達書

達自蜀降魏領新城太守於是連吳討蜀濟國中國與太守申儀有隙諸

葛亮惡其反翼遣郭模詐降過猇磯泄其謀達聞行反懿恐達遂發以書諭之達大喜猶與不決懿潛

欽定四庫全書

西晉文紀
卷一

與不決懿潛
軍討誅之

將軍昔棄劉備託身國家國家委將軍以疆場之任任

將軍以圖蜀之事可謂心貫白日蜀人愚智莫不切齒

於將軍諸葛亮欲相破惟苦無路耳模之所言非小事

也亮豈輕之而令宣露此殆易知耳

唐模昔書以獲止稱晉書宣露華

與諸葛亮論黃權書

模字公衡巴西閬中人先主伐吳為鎮北將軍督江

北軍先主敗績引退權降魏懿深器之與亮書

黃公衡快士也每坐起歎還足下不去口實

蜀志

復弟孚書

諸葛亮攻魏屯五丈原懿都督雍梁州用營不出亮遺中樞婦人之飾懿起請決戰軍師辛毗杖節立軍門乃止懿弟孚書問軍事懿書復之百餘日亮病卒

亮志大而不見機多謀而少決好兵而無權雖提卒十

萬已僅吾畫中破之必矣

晉書

報夏侯玄書

玄少知名累遷散騎中護軍懿為太傅問時事玄議以審官擇人除

重官改服制諸事懿報玄玄又與懿書

審官擇人除重官改服制皆大善禮鄉閭本行朝廷考

欽定四庫全書

西晉文紀

事大指如所示而中間一相承習卒不能改泰時無刺

史但有郡守長吏漢家雖有刺史奉六條而已故刺史

稱傳車其吏言從事居無常治吏不成臣其後轉更為

官司耳昔賈誼亦患服制漢文雖身服弋綈猶不能使

上下如意恐此三事當待賢能然後了耳

魏志

除九品州大中正議

案九品之狀諸中正既未能料究人才以為可除九制

州置大中正

曹義九品議

伏見明論欲除九品而置州中正欲檢虛實一州闊遠

畧不相識訪不得知會復轉訪本郡先達者耳此為問

州中正而實決於郡人

太平御覽

檄告遼東太守公孫文懿

懿征遼兵至文懿遣相國王建御史大夫

柳甫乞降請解圍不許進攻平之

昔楚鄭列國而鄭伯猶肉袒牽羊而迎之孤為王人位則上公而建等欲孤解圍退舍豈楚鄭之謂邪二人老

欽定四庫全書

西晉文紀

耄必傳言失旨已相為斬之若意有未已可更遣年少

有明決者來

平遠下令

古之代國誅其鯨鯢而已諸為文懿所誣誤者皆原之

中國人欲還舊鄉恣聽之

晉書

劾曹爽奏

明帝寢疾拜爽大將軍錄尚書事與太尉司馬懿並受遺詔輔少主與用

何晏等譖專擅朝政諸弟皆以列侯侍從懿稱疾避爽及車駕朝馬平陵爽兄弟皆從懿

勅兵先據武庫出屯洛水浮橋奏爽并晏等悉族誅

臣昔從遠東還先帝詔陛下秦王及臣升御牀把臣臂
深以後事為念臣言二祖亦屬臣以後事為念此自陛
下所見無所憂苦萬一有不如意臣當以死奉明詔黃
門令董箕等才人侍疾者皆所聞知今大將軍與背棄
顧命敗亂國典內則得擬外專威權破壞諸營盡據禁
兵羣官要職皆置所親殿中宿衛歷世舊人皆復斥出
欲置新人以樹私計根據槃牙縱恣日甚外既如此又
以黃門張當為都監專共交關看察至尊候伺神器離

欽定四庫全書

西晉書

四

間二宮傷害骨肉天下洶洶人懷危懼陛下但為寄生
豈得久安此非先帝詔陛下及臣升御牀之本意也臣
雖朽邁敢忘往言昔趙高極意秦氏以滅呂霍早斷漢
祚永世此乃陛下之大鑒臣受命之時也太尉臣濟尚
書令臣孚等皆以夷為有無君之心兄弟不宜典兵宿
衛奏永寧宮皇太后令勅臣如奏施行臣輒勅主者及
黃門令罷喪義訓吏兵以候就第不得逗留以稽車駕
敢有稽留便以軍法從事臣輒力疾將兵屯洛水浮橋

伺察非常

魏志 出晉書作熙秦氏以滅作秦是以亡
永世作永延大鑒作殿鑒時作秋太尉臣濟

尚書令臣孚等作公卿羣臣令勅臣作皇太后
勅臣以候就第作各以本官候就第七作詣

上魏帝辭讓丞相書

齊王芳嘉平四年魏奏諫
曹真詔使太常王肅命
太傅為丞相增邑萬戶羣臣奏事不得稱名
如漢霍光故事太傅上書辭讓十餘上乃許

臣親受顧命憂深責重憑賴天威摧弊姦凶贖罪為幸

功不足論又三公之官聖王所制著之典禮至於丞相

始自秦政漢氏因之無復變改今三公之官皆備橫復

寵臣違越先典革聖明之經襲秦漢之路雖在異人臣

欽定四庫全書

西晉書

五

所宜正況當臣身而不固爭四方議者將謂臣何

秋

秋滂奏

秋滂傷五穀又無菜蔬此方民已有食桑皮者

魏名臣奏

軍事故

今日當將作四千人東為三軍作營塹壘又當將斧三

百枚破樹木作鹿角塞諸郵漏處

又教

當教諸園上守土皆作棒人一枚輕重長短者各可手皆當頭施紉挂臂賊破臥在旦夕邂逅衝突圍當以

梧楸之並太平御覽

世宗景皇帝

諱師字子元懿長子仕魏中護軍封長平縣侯以撫軍大將軍嗣父輔政

追尊景皇帝廟稱世宗

與許允書

允字士宗潁陽人初與李豐夏侯芝親善豐等以謀封師伏誅從允為鎮北將軍與允書允甚悅未發

以放散官物從樂浪道臥

鎮北雖少事而都典一方念足下震華鼓建朱節歷本

欽定四庫全書

西晉書

州此所謂著繡畫行也

廢魏帝為齊王奏

魏帝嘉平六年與中書令李豐后父光祿大夫張顯等謀

以太常夏侯立代師輔政師致豐毀之逮捕

玄錡等皆夷三族潛謀廢立乃密諷永寧太

后下令與羣公卿士共奏永寧宮廢帝為齊王迎高貴鄉公髦而立之改元正元復為文

守尚書令太尉長社侯臣孚大將軍武陽侯臣師司徒

萬歲亭侯臣柔司空文陽亭侯臣冲行征西安東將軍

新城侯臣昭光祿大夫關內侯臣邕太常臣晏衛尉昌

邑侯臣偉太僕臣焜廷尉定陵侯臣繁大鴻臚臣芝大

司農臣祥少府臣襲永寧衛尉臣禎永寧太僕臣閎大

長秋臣模司隸校尉潁昌侯臣曹河南尹蘭陵侯臣肅

城門校尉臣慮中護軍永安亭侯臣望武衛將軍安壽

亭侯臣演中堅將軍平原侯臣德中壘將軍昌武亭侯

臣虞屯騎校尉關內侯臣陵步兵校尉臨晉侯臣建射

聲校尉安陽鄉侯臣溫越騎校尉睢陽侯臣初長水校

尉關內侯臣超侍中臣小同臣顗臣鄴博平侯臣表侍

中中書監安陽亭侯臣誕散騎常侍臣瓌臣儀關內侯

臣芝尚書僕射光祿大夫高樂亭侯臣毓尚書關內侯

臣觀臣緄長合鄉侯臣亮臣贊臣騫中書令臣康御史

中丞臣鈐博士臣範臣峻等稽首言臣等聞天子者所

以濟育羣生永安萬國三祖勲烈光被六合皇帝即位

纂繼洪業春秋已長未親萬機耽淫內寵沈漫女色廢

捐講學棄尊儒士日延小優郭懷表信等於建始芙蓉

殿前裸袒遊戲使與保林女尚等為亂親將後宮瞻觀

欽定四庫全書

西晉書

七

又於廣望觀上使懷信等於觀下作遼東妖婦嬉褻過
度道路行人掩目帝於觀上以為譏笑於陵雲臺曲中
施帷見九親婦女帝臨宣曲觀呼懷信使入帷共飲酒
懷信等更行酒婦女皆醉戲侮無別使係林李華劉勳
等與懷信等戲清商令令狐景呵華勳曰諸女上左右
人各有官職何以得爾華勳數譏毀景帝常喜以彈彈
人以此志景彈景不避首目景語帝曰先帝持門戶急
今陛下日將妃后游戲無度至乃共觀倡優裸袒為亂

欽定四庫全書

西晉書紀

八

不可令皇太后聞景不愛奴為陛下計耳帝言我作天
子不得自在耶太后何與我事使人燒鐵灼景身體皆
爛甄后崩後帝欲立王貴人為皇后太后更欲外求帝
恚語景等魏家前後立皇后皆從所愛耳太后必違我
意知我當往不也後卒待張皇后疏薄太后遭合陽君
喪帝日在後園倡優音樂自若不數往定省清商奏麗
熙諫帝皇太后至孝今遭重憂水漿不入口陛下當數
往寬慰不可但在此作樂帝言我自爾誰能奈我何皇

太后還北宮教張美人及畧婉帝恚望語景等太后橫
殺我所寵愛此無復母子恩數往至故處啼哭私使暴
室厚殯棺不令太后知也每見九親婦女有美色或留
以付清商帝至後園竹間戲或與從官攜手共行熙白
從官不宜與至尊相提挈帝怒復以彈彈熙日游後園
每有外文書入帝不省左右曰出帝亦不索視太后令
帝嘗在式乾殿上講學不欲使行來帝徑去太后來問
輒詐令黃門答言在耳景熙等畏恐不敢復止更共詔

欽定四庫全書

西晉書紀

九

媚帝肆行昏淫敗人倫之叙亂男女之節恭孝彌顯凶
德浸盛臣等憂懼傾覆天下危隆社稷雖殺身斃命不
足以塞責今帝不可以承天緒臣請依漢霍光故事收
帝璽綬帝本以齊王踐祚宜歸藩于齊使司徒臣柔持
節與有司以太牢告祀宗廟臣謹昧死以聞

戲作淫戲觀上作觀下行人掩目作行人莫不掩
目音樂作倡樂不省作不省視徑去作又不從

徵立高貴鄉公奏

臣等聞人道親親故尊祖尊祖故敬宗禮大宗無嗣則

擇支子之賢者為人後者為之子也東海定王子高貴鄉公文皇帝之孫宜承正統以嗣烈祖明皇帝後率土

有賴萬邦幸甚臣請微公詣洛陽宮

並魏書

訓於天子

高貴鄉公初立將大會師訓於天子

夫聖王重始正本敬初古人所慎也明當大會萬眾瞻穆穆之容公卿聽王振之音詩云示人不佻是則是效易曰出其言善則千里之外應之雖禮儀周備猶宜加以祗恪以副四海顯顯式仰

欽定四庫全書

西晉文紀

十

上書訓於天子

荆山之璞雖美不琢不成其實顏冉之才雖茂不學不宏其量仲尼有云予非生而知之者好古敏以求之者也仰觀黃軒五代之主莫不有所稟則顓頊受學於綠圖高辛問道於柏招逮至周成旦望作輔故能離經辯志安道樂業夫然故君道明於上兆庶順於下刑措之隆實由於此宜遵先王下問之義使講誦之業屢聞於聽典謨之言日陳於側也

並晉書

太祖文皇帝

諱昭字子上師弟歷大將軍侍中嗣兄輔政封晉公進爵為王子夷篡位

追尊文皇帝廟稱太祖

與王基書

諸葛誕反基行鎮東將軍都督揚豫時詔基統軍堅壁基累求進討會吳遣朱異救誕基又被詔轉據北山基謂但當精修守備以待越逸當春報聽壽春既拔師

與基書

初議者云云求移者甚衆時未臨履亦謂宜然將軍深算利害獨秉固志上違詔命下拒衆議終至制敵禽賊雖古人所述不是過也

拒通與作距賊作冠是作足

欽定四庫全書

西晉文紀

十一

與鍾會書

會既破蜀內有異志因鄧艾求制專事密白反狀檄車微艾而會獨統大

衆將謀反得師書覽曰必覺我異矣遂舉兵敗誅

恐鄧艾或不就徵今遣中護軍賈充將步騎萬人徑入斜谷屯樂城吾自將十萬屯長安相見在近

並魏志

與山濤書

濤親未還尚書吏郎郎師與濤書

足下在事清明雅操邁時念多所乏今致錢二十萬絲

百觔穀二百斛

王隱晉書在一作穀

與鄭袤書

袤字林叔榮陽開封人初武帝以貴公子當品鄉里莫敢為單求之州內

于是十二卿中正益共
舉義子黔師與義書

小兒得廁賢子之流愧有竊賢之累

讓兄師諡武公表忠武

臣亡父不敢受丞相相國九命之禮亡兄不敢受相國之位誠以太祖常所階歷也今諡與二祖同必所祇懼昔蕭何張良霍光咸有匡佐之功何諡文終良諡文成光諡宣成必以文武為諡請依何等就加

請討諸葛誕表誕為鎮東大將軍以淮南叛議者連請伐之文帝曰吾當與四

欽定四庫全書西晉文記

方同力以全勝制之乃
袁天子東征誕敗誅

昔黥布叛逆漢祖親征隗囂達戾光武西伐烈祖明皇帝乘輿仍出皆所以奮揚赫斯震曜威武也陛下宜暫臨戎使將士得憑天威今諸軍可五十萬以衆擊寡蔑不克矣

並晉書 韓斯太
半御覽作赫赫

王禮葬高貴鄉公奏高貴鄉公既立以昭三世

將行教 熙事 巡帥 左右 攻相府 殺軍 賈允 為
貽使成濟抽戈刺殺帝太后下令以庶人禮
葬昭命公卿奏以王
禮仍委罪濟更三族

太傅孚大將軍文王太尉柔司徒沖稽首言伏見中令故高貴鄉公悖逆不道自陷大禍依漢昌邑王罪廢故事以民禮葬臣等備位不能匡救禍亂式遏姦逆奉令震悚肝心悼慄春秋之義王者無外而書襄王出居於鄭不能事母故絕之於位也今高貴鄉公肆行不軌幾危社稷自取傾覆人神所絕葬以民禮誠當舊典然臣等伏惟殿下仁慈過隆雖存大義猶垂哀矜臣等之心實有不忍以為可加恩以王禮葬之

欽定四庫全書西晉文記

罪成濟奏

高貴鄉公率將從駕入兵拔刀鳴金鼓向臣所正懼兵刃相接即勅將士不得有所傷害違令以軍法從事騎督成倖弟太子舍人濟橫入兵陣傷公遂至順命輒收濟行軍法臣聞人臣之節有死無二事上之義不敢逃難前者變故卒至禍同發機誠欲安身守死唯命所裁然惟本謀乃欲上危皇太后傾覆宗廟臣忝當大任義在安國懼雖身死罪責彌重欲遵伊周之權以安社稷

之難即駱驛申勅不得迫近輦輿而濟遽入陣間以致
大變哀怛痛恨五內摧裂不知何地可以墜隕科律大
逆無道父母妻子同產皆斬濟凶戾悖逆干國亂紀罪
不容誅輒勅侍御史收濟家屬付廷尉結正其罪

晉書
故

高貴鄉公大任作
元輔述八作妄入

赦文欽二子令

欽為揚州刺史叛歸吳及諸葛
誕孫奇春反欽應誕師以大將
軍圍城誕事急殺欽子勢及虎出
降軍吏請誅師令赦之表為將軍

欽之罪不容誅其子自應當戮然驚虎以窮歸命且城

欽定四庫全書

西晉文紀
卷一

十四

未拔殺之是堅其心也

並魏
志

世祖武皇帝

名炎字安世世譜云字安字文帝長
子仕魏中撫軍嗣位晉王篡魏國號
晉都洛陽在位二
十六年廟稱世祖

告類上帝文

皇帝臣炎敢用元牡明告于皇皇后帝魏帝稽協皇運
紹天明命以命炎曰昔者唐堯熙隆大道禪位虞舜舜
又以禪禹邁德垂訓多歷年載暨漢德既衰太祖武皇
帝撥亂濟民扶翼劉氏又用受禪于漢粵在魏室仍世

多故幾於顛墜寔賴有晉匡拯之德用獲保厥肆祀宏
濟于艱難此則晉之有大造于魏也誕惟四方之民罔

不祗順開國建侯宣禮明刑廓清梁岷包懷揚越八紘

同軌遐邇馳義祥瑞屢臻天人協應無思不服肆予憲

章三后用集大命于茲炎維德不嗣辭不獲命于是羣

公鄉士百辟庶僚黎獻陪諫暨于百蠻君長僉曰皇天

鑒下求民之瘼既有成命固非克讓所得距違天序不

可以無統人神不可以曠主炎虔奉皇皇運畏天之威敬

欽定四庫全書

西晉文紀
卷一

十五

簡元辰升壇受禪告類上帝以永答民望敷佑萬國惟

明德是饗

宋書
受禪晉書作受命民作人畏
天之威作寅畏天威民望作衆望

即位詔

泰始元年
十二月

昔朕皇祖宣王聖哲欽明誕應期運熙帝之載肇啓洪
基伯考景王履道宣猷緝熙諸夏至于皇考文王獻哲
光遠允協靈祇應天順時受茲明命仁濟于宇宙功格
于上下肆魏氏宏鑒于古訓儀刑于唐虞疇咨羣后爰
輯大命於朕身予一人畏天之命用不敢違惟朕寡德

負荷洪烈託于王公之上以君臨四海惴惴惟懼罔知所濟惟爾股肱爪牙之佐文武不貳之臣乃祖乃父實左右我先王光隆我大業思與萬國共饗休祚

繼絕施惠詔

泰始元年十二月

昔王凌謀廢齊王而王竟不足以守位鄧艾雖矜功失節然束手受罪今大赦其家遷使立後興滅繼絕約法省刑除魏氏宗室禁錮諸將吏遭三年喪者遣寧終喪百姓復其徭役罷部曲將長吏以下質任省郡國御調

欽定四庫全書

西晉文紀

其

禁樂府靡麗百戲之伎及雕文游畋之具開直言之路

置諫官以掌之

並晉書 晉起居注 泰始元年詔曰乘黃庭離車拱泰田觀始遊之事凡若此

類皆悉罷之

登位慶賞詔

泰始元年十二月

昔唐虞三代之盛暨于漢魏創制褒崇元勳班爵行賞

有國同體施祿逮下萬邦咸乂朕以寡德登于天位託

于王公之上腹心股肱文武之臣光濟帝業余嘉乃勲

慶賞之行其用宜速

王隱晉書

五等封詔

泰始二年二月

五等之封皆錄舊勲本為縣侯者傳封次子為亭侯為鄉侯為關中侯亭侯為關中侯皆食本戶十分之一

正祀典詔

泰始元年十二月

昔聖帝明王脩五嶽四瀆名山川澤各有定制所以報陰陽之功而當幽明之道故也然以道蒞天下者其鬼神其神不傷人也故祝史薦薦而無婉辭是以其人敬慎幽冥而淫祀不作末代信道不篤僭禮黷神縱欲所

欽定四庫全書

西晉文紀

十七

請曾不敬而遠之徒偷以其幸祇妄相煽惑正為邪故

魏朝疾之其按舊禮具為之制使功著於人者必有其

報而祇淫之鬼不亂其間

宋書 代晉書作世其幸作求幸 秋安通典作妖孽

郊祀詔

泰始二年正月

有司前奏郊祀權用魏禮朕不慮改作之難令便為水制眾議紛互遂不時定不得以時供饗神祇配以祖考

日夕歎企貶食忘安其便郊祀

復明堂南郊五帝位詔

泰始二年羣臣議五帝即天地其始一神明堂

南郊宜除五帝之坐五郊改五精之號皆同
稱吳天上帝從之大康十年十一月始復其
位

孝經郊祀后稷以配天宗祀文王於明堂以配上帝而
周官云祀天旅上帝又曰祀地旅四望望非地則明堂上
帝不得為天地往者眾議除明堂五帝位考之禮文不
正且詩序曰文武之功起於后稷故推以配天焉宣帝
以神武創業既已配天復以先帝配天子義亦所不安
其復明堂及南郊五帝位

欽定四庫全書

禮記文記

六

朝日詔

太康二年有司奏春分朝日
寒溫未適可不親出下詔

禮儀宜有常若如所奏與故太尉所撰不同復為無定
制也問者方難未平故每從所奏今戎事弭息惟此為

大並書

夕牲詔

太康中有司奏議十一月一日合朔
莫冬蒸夕牲同日可有司行事詔曰

夕牲而令有司行事非也改擇上旬他日

宋書

營太廟詔

羣臣議立一廟奏

泰始二年正月有司奏制
七廟帝重其役詔宜權立

一廟羣臣
議奏奉可

上古清廟一宮尊遠神祇逮至周室制為七廟以辨宗
祧聖旨深宏遠跡上世敦崇唐虞舍七廟之繁華遵一
宮之遠旨昔舜承堯禪受終于文祖遂陟帝位蓋三十
載月正元日又格于文祖遂陟帝位此則虞氏不改唐
廟因仍舊宮可依有虞氏故事即用魏廟

詔報

二年
七月

主者前奏魏舊廟誠亦為有準然于祇奉明主情猶未

欽定四庫全書

禮記文記

七

安宜更營造

又詔

六年因廟陷改創羣臣奏古
者七廟其所自宜如禮又詔

古雖七廟自近代以來皆一廟七室于禮無廢于情為
叙亦隨時之宜也其便仍舊

改營太廟詔

太康十年更改廟宣陽門內窮極
杜絕業此詔是也晉書禮志不載

往者乃魏氏舊廟處立廟既墜翳不顯又材木弱小至
令中問有跌撓之患今當修立不宜在故處太僕寺南
臨甬道地形顯敞更於此營之主者依典禮施行

晉起居注

謁陵詔 泰始二年八月

此上旬先帝棄天下日也便以周年吾覺當復何時一得敘人子情邪思慕煩毒欲詣陵瞻侍以盡哀憤主者奏行備 奏晉書作具

太宰司馬孚等奏 孚及尚書令裴秀尚書僕射武陟等奏

陛下至孝蒸蒸哀思罔極哀麻雖除毀顙過禮疏食羸服有損神和今雖秋節尚有餘暑謁見山陵悲感摧傷羣下竊用竦息平議以為宜惟遠體降抑聖情以慰萬國 欽定四庫全書

又詔

孤藐忽爾日月已周痛慕摧感永無逮及欲奉瞻山陵以敘哀憤體氣自佳耳又已涼便當行不得如所奏也主者便具行備

又詔

昔者哀適三十日便為梓宮所棄遂離哀經感痛豈可勝言顧漢文不使天下盡哀亦先帝至謙之志是以自

割不以副諸君子有三年之愛而身禮廓然當見山陵何心而無服其以哀經行 先帝晉書作帝王

重奏

臣聞上古喪期無數後世乃有年月之漸漢文帝隨時之義制為短喪傳之于後陛下以社稷宗廟之重萬方億兆之故既從權制釋降哀麻羣臣庶僚吉服今者謁陵以敘哀慕若加哀經近臣期服當復受制進退無當不敢奉詔 庶僚晉書作百姓

欽定四庫全書

又詔

亦知不在此麻布耳然人子情思為欲令哀喪之物在身蓋近情也羣臣自當按舊制期服之義非先帝意也 又奏

臣聞聖人制作必從時宜故五帝殊樂三王異禮此古今所以不同質文所以迭用也陛下隨時之宜既降心克已俯就權制既除哀麻而行心喪之禮今復制服義無所依若君服而臣不服雖先帝厚恩亦未之敢安也

參量平議宜如前奏臣等敢固以請

又詔

患情不能跂及耳衣服何在諸君勤勤之至豈苟相違

宋書

除從陵居詔

泰始二年十月

昔舜葬蒼梧農不易畝禹葬成紀市不改肆上惟祖考清簡之旨所從陵十里內居人動為煩擾一切停之

皇太后喪即吉詔

泰始四年有司奏大行皇太后當以四月二十五日安厝

欽定四庫全書

西晉文紀

故事虞著衰服既虞而除其內外官僚皆就朝脯臨位御除服訖各還所次除喪服詔曰

夫三年之喪天下之達禮也受終身之愛而無數年之報奈何葬而便即吉情所不忍也

有司又奏

世有險易道有滂隆所遇之時異誠有由然非忽禮也方今戎馬未散王事至殷更須聽斷以熙庶績昔周康王始登翊室猶戴冕臨朝降于漢魏既葬除釋諒闇之禮自遠代而廢矣惟陛下割高宗之制從當時之宜敢

固以請

又詔

攬省奏事益增感刺夫三年之喪所以盡情致禮葬已便除所不堪也當敘吾哀懷言用斷絕奈何奈何

又詔

有司又固請乃許

不能篤孝勿以毀傷為憂也誠知衣服末事耳然今思存草土率常以吉奪之乃所以重傷至心非見念也每代禮典質文皆不同此身何為限以近制使達喪闕然

欽定四庫全書

西晉文紀

宋書 吉晉書作吉物

正會廢伎樂詔

泰始元年十二月時有文帝之喪

朕遭憫凶奉承洪業追慕罔極正日雖當受朝其伎樂一切勿有所設又殿前及武帳織成帷幙之屬皆不須

施

晉起居注

停正會詔

泰始三年有司奏皇太子明肅休命先登嘉作宜依漢魏故事大會品報

時釋服無幾

情懷哀慘每歲正會以四方集故不從心耳此日可不